

Anter Pult & Cassabanch

Dai 18 de jugn na neva trasmiscion de la Programazion Ladina de TML ne porta dant pizèdes de consees e gust su co portèr l GUANT

Televijion - La Programazion Ladina del canal televisif TML, delaite di projec di Servijes linguistics e culturèi del Comun general de Fascia, met dant n nef program portà dant e scrit da Claudia Conta Dorigotti, lurà fora e metù adum da la firma Filmart Television de Moena e endrezà da Angela Pederiva, col didament del Museo ladin de Fascia e la partezipazion de Veronica Debertol.

Claudia, te "Anter Pult & Cassabanch", rejonarà de guant,

soraldut chel da la eles, ma ence zeche en cont de chel da om, per

meter al luster mingol de storia del camejot e del gust de l portèr anter



L logo de la neva trasmiscion.

i desferenc paijes de Fascia. Vegnarà portà dant la desferenzia anter diend e camejot, la particolaritèdes del guant a l'antica e dut chel che se met, o se fèsc, per se fornir sù canche se va col guant: trèmoi e voies, òres e corèi, e trop de auter.

Pizèdes de consees che pel esser de ùtol te chest moment che se tira cà l guant per jir a la sègres e festes, o per fèr defilèdes anter i ghesé curiosc de entener zeche de più en cont de noscia cultura.

"Anter Pult & Cassabanch" porta dant en curt la informazions del

liber "Guant" che se pel troèr aló dal Museo ladin de Fascia.

La trasmiscion jirà fora da en sàbeda ai 18 de jugn. Se pel la veder sun Youtube e sul canal 642 de la televijion delaite de la Programazion ladina de TML con chisc oraries: duc i dis h. 7.20 e 19.50 e dapò de sàbeda h. 8.30, 18.00 e 20.45; de domenia h. 10.30 e 21.45; de lunesc h. 14.30, 21.45 e 23.15; de mèrtesc h. 10.30, 18.00 e 20.45; de mercol h. 8.30 e 14.30; de jebia h. 14.30 e 23.15 e de vender h. 10.30 e 18.00. (ap)